

陳大史經制考略完

56

13

1

傳林題

海陵朝太史送歸



經制考略小引

古先制度。特異勢殊。有不可行於今者。貴師其意。孟子曰。此其大略也。若夫潤澤之。則在君與子矣。此千古師法之精意也。書生目不知古。一旦普及特制。其何所衷焉。間取歷代遺制可採者。供學者博覽。名曰考略者。亦謂當師其意也。勿謂是芻狗也。而弁髦之。

南海陳子壯識

田賦	八條	附屯田	三條	錢幣	六條	戶口	四條
職役	四條	征權	三條	鹽鍊	四條	權茶	二條
市糴	七條	土貢	一條	漕運	四條	賑恤	二條
蠲貸	一條	選舉	六條	舉官	四條	考課	三條
學校	五條	幸學養老	一條	官制	六條		
郊祀	二條	社稷	二條	封禪	一條	籍田	一條
宗廟	二條	時享禘祫	三條	功臣配享	一條		
朝儀	二條	冠冕服章	二條	符節圭印	一條		
兵制	三條	車戰	二條	刑	三條	樂	三條
封建	二條	象緯	六條	匈奴	六條		



新刻陳太史經制考略卷之一

翰林院編修秋濤陳子壯太史輯

鹽官渭璜陳鼎新又校正

田賦詩八條

古之帝王未嘗以天下自私也。故天子之地千里，公侯皆方百里，伯七十里，子男五十里，而王畿內復之。有公卿大夫采地，祿邑各私其土，子其人，而子孫世守之。其土壤肥磽，生齒之登，耗視之如其家，不煩。考覈而奸偽，每所容，故其時天下之田悉屬于官民，仰給于官者也。故受田于官，食其力而輸其賦，而無

甚貧甚福之民。秦始以守內自私一人獨運于上而守宰之任驟更數易視其地如傳舍而閭里之情偽雖賢且智者不能周知也。守宰之遷除其歲月有限而田土之還受其姦弊愈窮故秦漢以來官不復可受田而田遂為庶人之私有亦其勢然也。雖其間如元魏之泰和李唐之貞觀稍欲復三代之規然不久而其制遂墮者蓋以不封建而井田不可復行故也。三代而上天下非天子所得私也。秦廢封建而始以天下奉一人矣。田產非庶人所得私也。秦廢井田而始捐田產以予百姓矣。然所蔽既久反古實難欲復封建是自割裂其土守以啓紛爭欲復井田是強奪民之田畝以召怨讐書生之論所以不可行也。

朱子曰井田之制遂廣二尺溝四尺洫八尺澮二季則丈有六尺矣徑容牛馬畛容大車涂容乘車一軌道二軌路三軌則幾二丈矣此其水陸占地不得為田者頗多先王之意非不惜而虛棄之也所以正經界止侵爭時蓄洩備水旱為永久之計有不得不然者也其意深矣商君以其急刻之心行苟且之政但見為阡陌所束而耕者限于百畝則病其人力之不冬但見阡陌之占地太廣而不得為田者多則病

其地利之有遺，又當世衰法壞之時，斯其歸授之際，必不免有煩擾欺隱之姦，而所陌之地，切近民田，又必有隱據以自私，而稅不入于公上者，是以一旦奮然不顧，盡用所陌，悉除禁限，而聽民兼并買賣，以盡人力，墾闢棄地，悉為田疇，而不使其有尺寸之遺，以盡地利，使民有田，即為永業，而不復歸授，以絕煩擾欺隱之奸，使地皆為田，而田皆為稅，以覈隱據自私之幸，蓋一時之害，雖除，而千古聖賢傳授精微之意，于此盡矣。

晁錯說文帝曰：堯禹有九年之水，湯有七年之旱，而國無捐瘠者，以畜積多而備先具也。今海內為一土，地人民之眾，不避湯禹，加以七兵災水旱，而蓄積未及何也？地有遺利，民有餘力，生穀之土未足，墾山澤之利未出也。遊食之民未盡，歸農也。民貧則奸邪生，貧生于不足，不足生于不農，不農則不地，不地着則離鄉，輕家不能禁也。方今之道，欲民務農，在于貴粟，貴粟之道，在于使民以粟為賞罰。今募天下之豪傑官，得以持爵除罪，如此，則富人有爵，農民有財，粟有所溲，夫能入粟以受爵，皆有餘者也。取有餘以供君上，則貧民之賦可損。

董仲舒說武帝曰秦用商鞅之法改帝王之制除井田民得賣實富者田連阡陌貧者無立錫之地漢興循而未改古井田法雖難猝行宜少近古限民名田以贍不足塞兼并之路然後可善法也荀悅論曰古者什一而稅以為天下之中正也今漢氏或百一而稅可謂鮮矣然豪強人占田逾多輸其賦大半官家之惠優于三代豪強之暴酷于亡秦是上惠不通威福分于豪強也文帝不正其本而務除租稅適足以資豪強也唐武德七年始定均田賦稅凡天下丁男十六以上

者給田一頃皆以二十畝為永業其餘為口分凡庶人徙鄉及貧乏以葬者得賣世業田自狹鄉而徙寬鄉者得并賣口分田已賣者不復檢死者收之以授無田者凡收授皆以歲十月凡授田者丁歲輸粟二石謂之租丁隨鄉所出歲輸絹綾絕各二丈布加五之一綿二兩輸布者麻三石謂之調用人之力歲二十日闰加二日不役者日為絹三尺謂之庸

德宗時楊炎為相遂作兩稅法夏輸錢過六月秋輸錢過十一月戶每主客以見居為等人每丁中以貧富為差十六為中十一為下

陸贄論兩稅法曰夫財之所生必因人力兩稅以資
產為宗不以丁身為本資產少者稅輕多者稅重不
知有藏于襟懷囊篋物貴而人莫窺者有場圃園倉
直輕而眾以為富者有流通蕃息之貨數寡而日收
其贏者有房舍器用價高而終歲利寡者計估筭緡
失乎長徭挾輕貨轉徙者脫徭稅敦本業不遷者困
斂求此羨之為奸政之避役也

陸宣公曰先王制賦入必以丁夫為本每求于力分
之外每貸力分之內故不以務穡增其稅不以輟
稼減其租則播種多不以殖產厚其徭不以流寓免

其調則地着固不以飭厲重其役不以窳怠蠲其庸
則功力勤如是故人安其居盡其力

附屯田計三條

漢宣帝神爵元年後將軍趙充國擊先零羗罷騎兵
屯田以待其弊奏曰臣所將吏士馬牛食月用糧數
十九萬九千六百三十斛鹽千六百九十三斛芡藁
二十五萬二千八十六石難久不解徭役不息又恐
他夷率有不虞之變且羗易以計破難用兵碎也
謹上屯田便宜十二事步兵九校吏士萬人留屯以
為武備因用教教威惠並行一也又因推折羗羗令

不得肥磽之地負破其衆以成羗虜之相畔之漸二也一居民得菲田作不失農業三也一軍馬一月之食度支田土一歲罷騎兵以省大費四也一至春省田土卒循河湟講教至臨羗以示羗虜揚威武傳世折衝之其五也以閑暇時下所伐材繕治郵亭充入金城六也兵出乘危徼幸不出令反畔之虜窺于風寒之地離霜露疾疫瘡墮之患坐得心勝之道七也一亡羗阻遠追死傷之害八也一內不損威武之重外不令虜得乘間之勢九也一又亡羗動河南大升小升使生他變十也一治湟陝中道橋令可至鮮水以制西域信威千里從枕席上遇師十一也大費既省縣役務息以戒不虞十二也留屯田得十二便出兵失十二利屯田內有屯費之利外有守禦之備騎兵雖罷虜見万人留田為必禽之具其土崩歸惠空不久矣

馬氏曰古者兵于農共此民也故有事則驅之為農而力稼穡有事則調之為兵而任戰征雖唐府兵之法猶然至于屯田則驅游民濶曠土且耕且戍以省饋餉尤為良法自府兵之法既壞然後兵農判而為二不特農疲于養兵而兵且耻于為農然則國力如之何而不弊于餉軍也哉

熙寧九年鄜民憲言祖宗營田皆置務何某矩建議
于河北歐陽修募弓箭手于河東陳恕韓知古招置
營田于河東北范仲淹大興屯田于陝西耿望置屯
田襄列章惇初蔡沆列亦為屯田務正以極邊多不
耕之地並邊多流徙之餘因地之利課以耕耘贍師
旅而省轉輸此所以為扈邊實塞之要務足國安民
之至計也然屯田以兵營田以民固有異制咸平中
襄列營田既調夫矣又取隣列之兵是營田不獨以
民也熙豐間邊列營屯不限兵民皆取給用是屯田
不獨以兵也至于招弓箭手不盡之地復以募民則

兵民參錯固無異也也然前後施行或以侵占民田為口
擾或以差借耨夫為擾或以諸郡括牛為擾或以兵
民雜耕為擾又或以諸路廂軍不習耕種不能水土
為擾至歲之所入不償其費遂又報罷惟因弓箭手
手為助田法一夫受田百畝別以十畝為公田得之
自備種糧功力歲收一石水旱三分除之官每粟給
之費民有耕鑿之利若可以為便矣然弓箭手之招
至者未安其業而種糧每所仰給且又責其借力于
公田虜人心易搖卒莫之行

生民所資曰衣子食物之無關於衣食而實適于用者曰珠玉五金先王以為衣食之具未足以周民用也于是以適用之物作為貨幣以權之故上古之世以珠玉為上幣黃金為中幣刀布為下幣然珠玉黃金為世難得之貨至若權輕重通貧富而可以通行者唯銅而已故九府圜法自周以來未之有改也然古者俗朴而用簡故錢有餘後世俗侈而用靡故錢不足于是錢之直日輕錢之數日多數多而直輕則其致遠也難自唐以來始制為飛券鈔引之屬以通商賈之厚齎貿易者其法蓋執券引以取錢而非以

券引為錢也宋慶曆以來蜀有交子建炎以來東始南始有會子自交會既行而始直以楮為錢夫夫珠玉黃金可貴之物銅雖不足貴而適用之物也以其可貴且適用者制幣而通行古人之意也至于以楮為幣則始以每用為用矣舉方尺腐敗之券而足以奔走一世冥藉以衣飢藉以食貧藉以富蓋未之有然銅重而楮輕鼓鑄繁難而印造簡易今捨其重且難者而用其輕且易者而又免下犯銅之禁上益搜銅之苛亦一便也

太公立九府圜法黃金方寸而重一斤錢圜函方輕

重以銖布帛廣二尺二寸為幅長四丈為疋周官司
布國凶荒札喪則布每疋而作布鈔年物賤道

馬氏曰古人創泉布之本意實取其流通緣貨則或

滯于民用錢則每所不通而泉府一官最為便民滯

則買之不時而欲買者則賣之有力者則賒貸于之

蓋先王視民如子洞察其隱微而多方濟其缺乏仁

政莫尚于此初非專為謀利取息設也又曰買之于

方滯之時賣之于欲買之際此于常平賤糶貴糶之

意同泉府則以錢易貨常平則以錢易粟其本意皆

以利民非謀利也然後世常平之法轉而為和糶且

以其所儲他用而不以濟民則唯恐其數之不多利

之不羨于是亦以理財之法視之矣

周景王將鑄大錢單穆公曰不可古者天災降戾于

是乎量資幣權輕重以賑救民民患輕則為作重幣

以行之于是乎有母權子而行民皆得焉若不堪重

則多作輕而行之亦不斃重于是乎有子權母而行

大小利之今王斃輕而作重民失其資能無置乎

賈山至言錢每用器也而可以易富貴之二者人

主之操柄也令民為之是子人主共操柄不可長也

唐武德四年廢五珠錢鑄開元通寶每十錢重一兩

計一千重六觔四兩得輕重大小之

陳太史經制考略卷之二

戶口計四條

馬氏曰古之治民者有田則稅之有身則役之未有稅其身者也漢法民年十五而算出口賦至五十六而除二十而傳給徭役亦五十六而除是且稅之且役之也

通典論曰昔賢云倉粟實知禮節衣食足知榮辱故知國足則康政家足則教從反是而理者未有之也

夫家足不在于此稅國足不在于重斂若逃稅則不土着而人貧重斂則多養贏而國貧矣贏者大實善家逃隱賦役浮浪從屬 三王以前井田之賦秦革周制漢因秦法魏晉

以降名數雖繁亦有良規不救時弊隋受周禪洎大業三年有戶八百九十萬其時東西魏喪亂周有分據暴君慢吏賦重役勤人不堪命多依豪室禁罔隳紊奸偽尤滋高穎觀流冗之病建翰藉之法于是定其名輕其數使人知為浮客強家收大半之賦為編氓奉公上蒙輕減之征丞庶懷惠奸每所容國家貞觀中有戶三百万至天寶末纔如隋氏之數直以選

賢拔任多在藝文才子職垂法因事弊隨循名責實
之義溯考言詢事之道習程典親簿領謂之淺俗務
根本去枝葉日以迂濶職事委于群胥貨賂行于公
府而至此也今宜酌量故事重為按比版圖可增其
倍征繕自減其半賦既均一人知稅輕免流離之患
益農桑之業安人所用莫過于斯

古者孟冬司徒獻民教于王王拜而受之其敬之守
之如此之重也

宋朝野雜記曰身丁錢多偽國所創余嘗謂唐之庸
錢楊冬已均入二稅而後世差役復不免焉是力役

之征既取其二也本朝王安石令民輸錢以免役而
紹興以後所謂者戶長保正顧錢復不給焉是取其
與三也合丁錢而論之力役之征蓋取其四矣而一
有邊事則免夫之令又不得免焉是取其五也孟子
曰有布縵之征云云父子離今布縵之征有折稅有
和預買川路有給賞而東南有丁絹是布縵之征三
也穀粟之征有稅米有芟倉有和糴而斗面加斛之
輸不予是穀粟之征三也通力役之征而論之蓋月
十也民安得不困乎

章氏曰三代設法莫詳于周周禮五兩軍師之法此
兵役也師田追胥之法此徒役也府史胥徒之有其
人此胥役也比閭族黨之相保此鄉役也有司徒焉
則因地之善惡而均役有族師焉則按民之衆寡以
起役有鄉大夫焉則辨年之老幼以從役有均人焉
則論歲之豐凶以行復役之法

唐令諸戶以百戶為里五里為鄉四家為隣三家為
保每里教正一人掌按比戶日課植農桑檢察非違
催驅賦役在邑居者為坊別置坊正一人掌坊門管
籥督察奸非並免其課役在田野者為村別置村正

籍
一人天下戶量其資產升降定為九等三年一造戶

蘇轍論諸列衙前曰臣論先論今昔差顧衙前利害
之實蓋定差鄉戶人有家業欺詐逃亡之弊比之顧
募浮浪其勢必少此則差衙前之利也然而每差鄉
戶必有避免糾決比至差定別縣胥吏乞取不貲及
被差使先入重難若使顧募慣熟之人費用一分則
鄉差生疎之人非二三分不了由此破蕩家產此則
差衙前之害也若顧募情願自非慣熟必不肯投列
縣吏人知其熟事乞取自少及至勾當動知空便費

亦有常雖經重難自無破產之患此則顧衙前之利也然浮浪之家產單薄侵盜之弊必甚于鄉差此則顧衙前之弊也然則差衙前之弊害在私家而顧衙前之弊害在官府若差法必行則私家之害每法可救若顧法必用則官府之弊有法可止何者嘉祐以前長名衙前除差三大戶外許免其餘色役今若許顧募衙前依昔日長名免役之法則上等入戶誰不顧^顧投諸別衙前例得實戶則所謂官府之害坐而自去臣竊謂雖三代聖人其法不能每弊是以易貢為助易助為徭要以因時施宜每害于民而已今差

法行于祖宗顧法行于先帝取其便于民者而用之此三代变法之比也馬氏曰按差役古法也其弊也差役不公漁取每藝故轉而為顧顧役熙寧之法也其弊也庸錢自輸苦役如故故轉而為義義役中興以來江浙諸郡民戶自相^于講究之法也其弊也豪強專制寡弱受凌故復反而為差蓋以事體之便民者觀之顧便于差義便于顧至于義而復有弊則未如之何也已

征權計三條

征權之途有二一曰山澤茶鹽坑冶是也二曰關市

酒酤征商是也。蓋不言利者則曰縣官當食租衣稅而已。而欲子民庶爭貨殖之利。非王者之事也。善言利者則曰山海天地之藏。而豪強擅之。關市貨物之聚。而商賈擅之。取之于豪強商賈。以助國家之經費。而毋專仰給于百姓之賦稅。是崇本抑末之意。乃經國之遠圖也。自是征之不已。則并其利源奪之。官自煮鹽酤酒。採茶鑄錢。以至市場之屬。利源日廣。利額日重。官既不能自辦。而豪強商賈之徒。又不可復擅。然既以立為課額。則有司者不任其虧減。于是又為均派之法。或計口而課塩錢。或望戶而權酒酤。或于民之有田者。計其頃畝。令于賦稅之時帶納。以求及額。而征權適于天下矣。

文帝時晁錯說上曰。商賈大者積財倍息。小者坐列販賣。操其奇贏。日遊都市。乘上之急。所賣必倍。故其男不耕耘。女不蚕織。衣必文采。食必粱肉。每農夫之苦。有千百之得。因其富厚。交通王侯。力過吏勢。以利相傾。千里遊遨。冠蓋相望。乘堅策肥。履絲曳縞。此商所以兼并農人。農人所以流亡也。今法律賤商人。商人已富貴矣。尊農夫。農夫已貧賤矣。故俗之所貴。士之所賤。吏之所與。法之所尊。上下相反。好惡乖迕。而

欲國富法立不可得也

猶戰上言穀太賤則傷農太貴則傷本是以法不稅五穀使豐熟之鄉商賈爭糶以起太賤之價定傷之地舟車輻湊以壓太貴之直

鹽鐵 計四條

齊管子曰海王之國謹正塩筴十口之家十人食鹽

百口之家百人食鹽終月大男食鹽五升少半大女

食塩三升少半吾子食鹽二升少半此其大曆也塩

百升而筴升六合四分令塩之重升加分強筴五十

也強分半強也稅其筴每一升加半合升加一強筴

百也升加二強筴二百也糶二千四升六解十鍾二万

百鍾二十万千鍾二百万万乘之國人數開口千万

也今鉄官之數曰一女必有一鍼若其事立若猶耕

者必有一耒耜若其事立行服運輦名所以

者輶輦者馬必有一船一鋸一錐一鑿若其事

立不尔而成事者天下各有今鐵之重加一也三十

錢一人之籍錢之重每十方加一方力強強刀之重加

六五六三十五刀一人之籍也耜鉄之重加七三耜

一人之籍也其餘輕重皆准此而行然則拳臂勝

事各不服籍者

管子謂少男也也

晏子曰山木如市弗加于山魚鹽蜃蛤弗加于海民
參其力二入于公而衣食其一山林之木衡麓守之
澤之雀蒲舟數守之菽之薪蒸虞侯守之海之鹽蜃
有^有祈望守之縣鄙之人入從其政偏介之關暴征其私
市嘗每藝徵斂每度極言其苛如此

端拱二年吏部侍郎陳恕等議曰江湖之地素未官
自賣鹽禁絕私商良亦有以蓋由近煮鹽^海之地息犯
禁之人官得緡錢頗資經費且江湖之壤租賦之中
穀帛雜多錢刀益寡每歲買茶入權市銅鑄錢準糧
斛以益運輸平金銀以充貢入乃至京師使易南土

支還贍用之名實籍塩錢似助居常度費猶或闕供
今若悉許通商則必顧各備擬未有別錢備用塩法
詎可更張且變制改圖事非細故若非官塩任賣則
又私商不行即令任賣官塩立之一轉課額况行商
算盡必務十全豈有江湖官猶賣塩邊塞私肯入粟
假令敢入私物獲諸官塩首初運到江湖必須官私
競買既而官價高大私價低平多糴商塩則官塩不
售茲依官價則私價太高公私兩途矛盾不已則官
利失而私商困矣况不即任價而望商人入中糴賣
者未之有也既入中糴糶而望課利不虧者亦未之

有也。向者淮南通商，亦于邊上折中一歲之內入數甚微，糧則不及万鍾，草則都一東近者陝西鹽法亦令納結資邊，一年之間數亦無幾。全以實鹽，但有虛名。江湖若放通商，淮南亦須擬禁。三外既私商雜擾，兩浙必官鹽流離透漏，浸淫禁不可止。乍變易則江湖为首，然紊亂則淮浙相靠，大失公儲。莫救邊備，施于今日，恐未可宜。

馬氏曰：按授人以鹽而徵其錢，謂之蚕鹽。行之東京諸路，免鹽之權而均諸稅，謂之兩稅。鹽錢行河北，此皆五代法也。及其弊也，鹽不^給而徵錢如故，稅已納

而禁權再行，蓋誤以二者為經常之賦，而不知其源出于鹽也。

祖宗以來行鹽鈔以實西邊，其法積鹽于解地，積錢于京，權貨積鈔于陝，沿邊諸郡高實以物解至邊，有數倍之息，惟患每回貨故極利于得鈔，徑諸鹽于解池，舊制通行解鹽地甚寬，或請錢于京師，每鈔六千二百登時給于，但輸頭子等錢數十而已。以此所由列縣貿易熾盛，至為良法。崇寧間蔡京始變鹽法，俾商人先輸錢請鈔，赴產鹽郡投鹽，欲囊括四方之錢，尽入中都，以進羨要寵鈔法遂廢，商賈不通，邊儲

備

推茶計二條

致堂胡氏曰凡言利者未嘗不假託美名以奉人主私欲如張滂以茶稅錢代水旱田利是也既以立額則後莫肯蠲非不惟蠲從而增廣其數其法最峻者有之矣至于官悉權之商旅不得貿遷而推埋惡少竊販之害阻偶有敗獲姦人猾吏相為囊橐敝遠不直而治所由廢林連枝蔓致良民破產梓村比里甚則盜賊出焉其原則在于得數十萬緡錢而已

馬氏曰國朝自西北宿兵既多饋餉不足因募人入

中芻粟度地里遠近增其虛估給券以茶償之後又益以東南緡錢香茶象牙謂之三稅而塞下急于兵食欲廣儲特不受虛估入中者以虛錢而得實利人競趨焉及其法既弊則虛估日益高茶日益賤入實金帛日益寡而入中者非各行商多其土人既不

知茶利厚薄且急于售錢得券則轉鬻于茶商或京師坐實号交引舖者獲利每幾茶商及交引舖或以券取茶或收畜貿易以財厚利錄是虛估之利皆入中者以利薄不趨邊備日蹙茶法大壞

陳太史經制方略卷之三

市糴計七條

市者商賈之常古之帝王其物貨取之仕其所貢而
 有餘未有國家而市物者也而市之說則倣于周官
 之泉府後世因之曰均輸曰市易曰和買皆以泉府
 藉口者也糴者民度之常古之帝王其米粟取之什
 一所賦而有餘未有國家而糴粟者也而糴之說則
 倣于齊桓公魏文侯之采糴後世因之曰常平曰義
 倉曰和糴皆以平糴藉口者也然泉府于平糴之立
 法也皆所以便民方其滯于民用也則官買之糴之

及其適于民用也則官賣之糴糴之蓋憚遠有急曲為

貧民之地初未嘗有一毫征利求富之意然沿襲既

久古意寢失其市物也亦諉曰權蓄買居貨待價之

謂久則官自效商賈之為而指為富國之術矣其糴

粟也亦諉曰林貧民救賤錢荒之弊久則官未嘗有

及民之惠而徒利積粟之人矣至其極弊則名曰和

買和糴而強配教目不給價直鞭笞取足視同常賦

蓋古人恤民之常後世反藉以厲民不可不究其願

末也夫泉府之法歛市之不售債之滯于民用者以其實

國服
就其
國所
產之
物輸
之

買之其餘者祭祀喪紀皆有數而以國服為之息若
此者真周公所為也何者當是時天下号为有民未
有持富者也開闢歛散輕重之權一出于上均之田
而使之耕築之室而使之居衣食之具每不畢于然
而祭祀喪紀猶有所不足則取之常數之外若是者
周公不子將誰子之今天下之民不齊必矣開闢歛
散輕重之權不一出于上而富人大賈介而有之不
知其幾千百年也而遠奪之可乎奪之可也披其目
利而欲為國利可乎
漢武帝時桑弘羊以諸官各自市相爭物以故騰躍

而天下賦輸或不償其僦費乃請置大農部丞數十
人分部主郡國各往置均輸鹽鐵官令遠方各以
其物如異時商賈所轉販者為賦而相漕輸置平准
于京師都受天下委輸召工官治車諸器皆仰給大
農大農諸官悉籠天下之貨物貴則賣之賤則買之
如此富商大賈止所年大利則反本而万物不得騰
躍故抑天下之物名曰平准
有管仲相桓公通輕重之權曰有凶穰故穀有貴
賤今有緩急故物有輕重人君不理則蓄賈游于市
乘民之不給百倍其本矣故方東之國必有万金之

實千粟之國必有千金之實有利有所并也國多失
利則臣不盡忠士不盡死矣計本量委則足矣然而
民有飢餓者穀有所藏也民有餘則輕之故人君斂
之以輕民不足則重之故人君散之以重九輕重斂
散之以時即平准守准平使万室之邑必有万鍾之
藏千鎰千方千室之邑必有千鍾之藏二鎰百萬者
以奉耕夏以奉耘耒耜器械種餉糧食必取贍焉故
大賈畜家不得豪奪吾民矣

魏文侯相李悝曰糶甚貴傷人甚賤傷農人傷則離
散農傷則國貧故甚貴予甚賤其傷一也善為國者

使人無傷而農益每今一夫挾五口治田百畝歲收
畝一石年為粟百五十碩除十一之稅十五碩餘百
三十五碩食人月一碩羊五入終歲為粟九十石餘
有有四十五碩二三十為錢千三百五十除社閭寄新
春秋之祠用錢三百餘千五十衣人率用錢三百五
人終歲用千五百不足四百五十不幸疾病死喪之
費及上賦斂又未與此此農夫所以常困有不勸耕
之心而令糶至于甚貴也是故善平糶者必謹觀歲
有上中下熟上熟其收自四餘四百石中熟自三餘
三百石下熟自倍餘百石小饒則收百石中饒七十

石大飢三十石故大熟則上糴三而含一石糴也中熟則糴二下熟則糴一使人適足價平則止小飢則糶小熟之所歛中飢則糶中熟之所歛大飢則糶大熟之所歛而糶之故雖遇飢饉水旱糶不貴而人不散取有餘以補不足也

初王安石欲行青苗法糶輒曰以錢貸民使出息二分本非為利然出納之際吏緣為奸法不能禁錢入民手雖良民不免非理費用及其紂錢雖富民不免違限如此則鞭笞必用列縣多事矣唐劉晏掌國計未嘗有所假貸曰使民僥得錢非國之福使吏倚之外者甚至指留官賦陰增民輸而命之曰羨餘以供貢奉上下相蒙苟悅其名而于百姓則重困矣

國用計五條

王制冢宰制國用必于歲之抄五穀皆入然後制國用用地也大視年之豐耗以三十年之通制國用量入以為此祭用教之仇算今年一歲經用喪用三年之仇喪祭用是日暴有餘曰浩祭豐年不奢凶年不儉國每九年之蓄曰不足每六年之蓄曰急每三年之蓄曰國非其國也三年耕必有一年之食九年耕必有三年之食以三十年之通雖有凶旱水溢民

無菜色然後天子食日舉以樂

周官太宰以九賦斂財輸一曰邦中之賦二曰四郊

之賦三曰邦甸之賦其國二百里四曰家削之賦三百五

曰邦縣之賦四百里六曰邦都之賦五百七曰關市之

賦八曰山澤之賦九曰幣餘之賦幣餘謂百官所用官物不存者歸之

職幣不入本有聽人作賣

以九式均節財用一曰祭祀之式二曰賓客之式三

曰喪荒之式四曰羞服之式五曰工事之式六曰幣

帛之式七曰芻秣之式八曰匪頒之式九曰好用之

式燕好所賜予

自周官六典有太府又有玉府河府且有惟王不會

之說後之為國者因之兩漢財賦曰大農者國家之

帑藏也曰少府曰水衡有人王之私蓄也唐既有轉

運度支而復有鹽林大盈宋既有戶部主司而復有

封樁內藏于是天下之財其歸于上者復有公私矣

糶糶策別曰為國有三計有万世之計有一時之計

有不然月之計古者三年耕必有一年之蓄以三十

年之通則可以九年各飢也歲之所入足用而有餘

是以九年之蓄常閒而急用卒有水旱之變盜賊之

憂則官可以自辭而民不知若者此天不便能之灾

地不能使之貧。四夷盜賊不能使之困。此万世之計也。而其不能者。一歲之入。纔足以爲一歲之出。天下之產。僅足以供天下之用。其平居雖不至于奪取其民。而有急則不免于厚賦。故其國可靜而不可動。可逸而不可勞。此亦一時之計也。至于最下而益謀者。量出以爲入。用之不給。則取之益多。天下晏然。每大患難而急用衰世苟且之法。不知有急則將何以加之。此所謂不然月之計也。今天下之利。莫不盡取。山陵林麓。莫不有禁。關有征。市有租。塩鉄。有權。酒。有課。茶。有筭。則凡衰世苟且之法。莫不盡用矣。將何以待其後耶。且人而不急。則以爲費用不可復省。使天下而益。塩鉄。酒。茗。之稅。將不爲國乎。臣有以知其不然也。天下之費。固有去之甚易。而益損存之甚難。而益益者。夫益益之費。名重而實輕。以不急之實。而被之以莫大之名。是以疑而不敢去。而不知其耗國用也。日求而去之。自毫厘以徃。莫不有益。惟益輕。其毫釐而積之。則天下廢乎少息也。

陳太史經制考略卷之四

漕運計四條

賈誼曰古者天子地方千里中之而為都輸將錄使。
其遠者不在五百里而在公侯地百里中之而為都
輸將錄使遠者不在五十里而至輸者不苦其錄錄
者不傷其費故遠方人安及秦不能分人寸地欲自
有之輸將起海上而來一錢之賦數十錢之費不輕
而致也上之所得甚少而人之所苦甚多也
開元中裴翹卿言江南送租庸調物以歲二月至揚
州入斗門四月已後始度淮入汴常苦水淺六七月
乃至河口而河水方漲須八九月水落始得上河入
洛而漕路多梗舩楫沮溢江南之人不習河事轉催

河師水手重為勞費其得行日少阻滯日多今漢隋
漕路瀕河倉廩遺迹可尋可于河口置武牢倉鞏縣
置洛口倉使江南之舟不入黃河黃河之舟不入洛
口而河兩相崖太原永豐智南諸倉節級轉運水通
則舟行水淺則寓于倉以待則舟無停留而物不耗
失此甚利也

代宗以劉晏領東都河南淮西江南東西轉運租
庸錢鹽錢凡漕事皆決于晏。即鹽利催備分吏
督之隨江汴河渭所宜故時轉運舩絲羽列陸運至
揚子斗米費錢十九晏命囊米而載以舟減錢十五

繇揚州距河陰斗米費錢百二十是為歇艚支江船
二千艘每船受千斛十船為綱每綱三百人篙工五
十人自揚遣將部送至河陰上三门峡上門填嗣船
米斗減錢九十調巴蜀襄漢府象竹篠為絢挽舟以
朽索腐材代薪物喜棄物未十年人習河險江船
不入汴之船不入河之船不入滑江南之運積揚州
汴河之運積河陰河船之運積滑口滑船之運入太
倉歲轉粟百一十萬石每升斗溺者輕貨自揚子至
汴列每臥費錢二千二百減九百歲省十餘萬緡又
分官吏主丹陽湖禁引激自是河漕不涸

陸贄奏言邠畿之稅給用不充東方歲運租米冒淮
湖風浪之險汴河湍湍險之艱費多而益寡嘗聞見
而不達時宜者則曰國之大事不煩費損故有用斗
錢運斗米之言雖知勞煩不可費也習近利而不防
遠慮者則曰每至秋成但令畿內和糴既易集事又
足勸農何必轉輸徒耗財用臣以兩家之論互有短
長若國家理安錢穀俱富烝黎蓄息力役靡施然後
常以羨財益廣漕運雖有厚費適資貧人負元之始
巨盜初平太倉每歲月之儲關輔遇連年之旱而有
司奏得水運務省脚錢至使邠畿烟火殆絕餒殍相

望斯所謂親近利而不防遠患者也。迨歲闌輔年穀
屢登歲減百姓稅錢許其折納粟麥公儲委積足給
數年農家猶穀賤今夏江淮水潦漂損田苗米價倍
貴流庸頗多關輔以穀賤傷農宜加價糴穀以勸稼
穡江淮以穀貴民困宜減價糴米以救凶災今宜糴
之處則每錢宜糴之石則每石而又運彼所乏益此
所餘所謂習聞見而不達時宜者也。今淮南諸州米
每斗當錢一百五十文從淮入涇橋每斗取脚又約
用錢二百文京邑米每斗只糴錢三十七文耗其九
而存其一既彼人而傷此農制事若斯可謂深失矣

今約計一年和糴之數可當轉運二年一斛轉運之
資足以和糴五斛比較即時利害運勢且合悉俾臣
切慮傳運則舟舩每用壞爛莫修倘遇凶災復須轉
漕臨時鳩集理必淹遲臣今欲減所轉之數以實邊
儲其江淮諸道運米至河陰河陰運米至太原倉太
原運米至東涇橋來年各請停所運三之二其江淮
所停運米悉轉運使于水災別縣減價糴之以救貧
乏請令戶部先傾見錢付京兆令糴米以補涇橋倉之
闕數斗用百錢以利農人又付邊鎮使糴十万人一
年之糧其江淮米錢并餉直並悉轉運使折布綾絹

絕綿以輸上都價先貸戶部錢其餘存充來年租稅
之價如此則不擾一人每歲百事俱于常用之內收
其在費之資百萬贏糧坐實邊鄙又有勸農賑乏之
利存乎其間矣

賑恤計二條

呂東萊曰大抵荒政先王三十年之通制國用上也
使李惺之政修次也所在蓄積有可均也使之流通
移民移粟又次也咸每為設糜粥最下也

曾鞏救災議曰河北地震水災墮城郭壞廡舍百姓
暴露乏食有司請免粟壯者日二升幼者人日一

升主上不從日而許之賜之可謂大矣然今百姓暴

露乏食已廢其業矣使之相率日待二升之糜于上

則其勢必不暇乎他為是農不復得修其畝商不

復得復其貨賄工不復得利其器用困民不復得轉

移執事一切棄百事而專意于待升合之食以偷為

性命之計是直以餓殍之養養之而已非深思遠慮

為百姓長計也一以中戶計之戶為十人率一戶月當

受粟五石被米之地既每秋成之望非至來歲麥熟

之時未可以罷自今至于來歲麥熟凡十月今被災
者凡十餘列仰食縣官率十萬戶當粟五百萬石而

災年為首難
有施舍輸積
以食之
則大矣
所養者必
復之皆至
其後故軍
其物不食
地有積聚
民所居亦
則多安而
通此亦振
首務

足何以辨此又非深思遠慮為公家長計也至于給
授之際有滄速有均否有真偽有會集之擾有耕索
之煩厝置一差皆足致弊人辟而化之象久蒸薄必
生疾病此皆必至之害也且此不過能使之得且暮
之食耳其于屋戶構築之費將安取哉屋戶構築之
費既各所取而就食于別縣必相率而去其故居雖
有頽墻壞屋之尚可完者故材舊瓦瓦之尚可因者什
器衆物之尚可賴者必棄之而不暇顧甚則殺牛馬
而去者有之伐桑果而去者有之其害可謂甚也今
秋氣已半霜露方始而民露化不知所蔽蓋流凶者

亦已衆矣如不可止則將空近塞之地失戰鬪之民
此衆士大夫之所慮而不可謂無患者也空近塞之
地失耕桑之民此衆士大夫所未慮而患之尤甚者
也何則失戰鬪之民異時有警邊戍不可以不增爾
失耕桑之民異時有事邊糴不可以不貴矣二者可
不深念歟万一或出于無聊之計有窺倉庫盜一囊
之粟一束之帛者彼知己負有司之禁則必為駭異
竄竊弄鋤挺于草茅之中以扞游徼之吏強者既置
而動則弱者必隨而聚矣不幸或連一二城之地有
袍鼓之警國家胡能晏然而已乎然則為今之策下

方紙之詔賜之以錢五十萬貫貸之粟一百萬石則不過用兩月之費而食可給而居可完何則今被災之列為十萬戶如一戶得粟十石得錢五千下戶常產之資平日未有及此者也夫饒寒餓殍之民而予之升合之食每益于救災補敗之數此常行之弊法也

三 蠲貸 計二條

馬氏曰按漢以來始有蠲貸之事其所蠲貸者有二田賦一也逋債一也何三代之時□□□有所蠲貸耶蓋三代之所以取民田賦而已貢助徹之法雖不

離乎什一然徃々隨時隨地為之權衡未嘗立為一定不易之制非如後世立經常之定額其登于賦額者遂升合不可懸欠也秦漢而下賦稅之額始定而民不敢逋額內之租征歛之名始多而官復有稅外之取夫如是故上之人不容不視時之豐歉民之貧富而時有蠲貸之令由唐以來取民之制愈重故蠲貸之令愈多或以水旱或以亂離改易朝代則有所蠲恢拓土宇則有所蠲甚至三歲祀帝之赦亦必有蠲貸之令不容不密而祭黠頑獷之徒至有故逋常

賦以待蠲而以為得策則上下胥失之矣
蘇軾言監司以催欠為職業守令上為監司之所迫
下為胥吏之所使大率縣有監催千百家則縣中胥
徒拳飲之然日有所得若一旦除放則此等皆寂寥
無獲矣其間貧困掃地無可蝨食者則縣胥教令通
指乎人或云衷私擅買抵當物業或雖非衷私而云
買不當價似此之類蔓延追擾自甲及乙自乙及丙
每有窮已每限皆空身到官或三五限得一二百錢
謂之破限官之所得至後而胥徒亦取蓋盡每日俗
謂此等為縣胥食邑戶嗟乎聖人在上使民不得為

陛下赤子而皆為姦吏食邑戶此何道也臣自穎移
揚別舟過濠壽楚泗等別所至麻麥如雲臣每屏去
吏卒親入村落訪問父老皆有憂色云豐年不如凶
年天灾流行民雖乏食縮衣節口猶可以生若豐年
拳催積欠胥徒在門枷棒在身則人戶求死不得言
訖淚下臣亦不覺流涕又所至城邑多有流民官吏
皆云以夏麥既熟拳催積欠故流民不敢歸鄉孔子
曰苛政猛于虎以今觀之殆有甚者水旱殺人百倍
于虎而人畏催欠乃甚于水旱臣竊度之每別催欠
吏卒不止五百人以天下言之是常有二十餘万虎

狼散于民間百姓何由安生朝廷仁政何由得成乎
陳太史經制考略卷之五

選舉計六條

古之用人德行為首才能次之虞朝載采亦有九德
周家賓興考其德行于才不屑也兩漢以來刺史
守相得以專辟召之權魏晉而後九品中正得以司
人物之柄皆考之以里用之毀譽而試之以曹掾之
職業然後畀之人備王官以階清顯蓋其為法雖有
愧于古人德行之舉而猶可以得才能之士也至于

隋而列郡僚屬皆命于銓曹搢紳悉由于科目
自以銓曹署官而所按者資格而已于是勘籍小吏
得以司升沈之權自以科目取士而所試者詞章而
已于是操觚末技得以階榮進之路夫其始進也試
之以操觚末技而專主于詞章其既仕也付之于勘
籍小吏而專按其資格于是選賢與能之意每復存
者矣

周官大司徒以鄉三物教萬物而賓興之一曰六德
知仁聖義中和二曰六行孝友睦婣任恤三曰六藝
禮樂射御書數

馬氏曰漢制郡國舉士其目大槩有三曰賢良方正也孝廉也博士弟子也然是三者在後世則各自為科目其于鄉舉里選又自殊途矣又曰觀漢高皇孝武詔皆以為人才之遺佚咎在公卿之蔽賢至于立法以論其罪後來之法嚴謬舉之罰而限其塗輟者有之矣未有嚴不舉之罰而責以虛揚者也蓋古之稱賢能者皆不末聞達之士而後世之于薦舉者皆巧于奔競之人國家待士之意固薄而士之不自重深可慨也

隋李諤以逸才失中上書曰自魏之三祖更尚文詞遂成風俗江左有梁其弊弥甚貴賤賢愚唯務吟咏競一韻之奇爭一字之巧連篇累牘不出月露之形積案盈箱尽是風雲之狀代俗以此相高朝廷據此擢士祿利之途既開愛尚之情愈篤于是同里童昏貴遊總角未窺六甲先製五言捐本遂末流遍華壤近相師祖澆漓愈熾如聞在外列縣選吏舉人仍踵斯弊至于宗黨稱孝鄉曲婦仁學必典謨交不苟合則擯落私門不加收齒其學不晉古遂俗隨時作輕薄之篇章結用黨而稱譽則選充吏職舉送天朝蓋由縣令刺史不存公道猶挾私情臣既奉憲司職當

糾察

洋列刺史趙匡舉遜說曰進士時之共貴主司褒貶
實在詩賦溺于所習悉昧本原故鮮士體國論其
弊一也又人之心智蓋有涯分而九流七略書籍每
窮主司徵同不立程限故修習之時但務抄略故當
代寡人師之學其弊二也疏以親經蓋筌蹄耳明經
讀唇勤勞已甚既口同義又誦疏文徒竭其精業習
不悉之業而當代礼法若不面墻也故當官少稱職之
吏其弊三也舉人大率三十人中方收一人而雜色
之流廣通其路遂使受官多底之下人修業抱後室
之嘆故學在子舍學業而趨末技其弊四也收人既
少則爭第急切交馳公卿以求汲引毀譽同類用以
爭先故業因儒雅行成險蕩虧損國風其弊五也
且如王制論御秀士升于司徒曰選士司徒又論其
士之秀者而升之學曰俊士然後方免其徭役大樂
正又造士之秀者升諸司馬曰進士方可受爵祿司
馬政官也以其可使從政也凡經四級然後始可從
政然猶未也司馬又辨論官材論其賢者以告于王
而定其論論定然後官之任官然後爵之待其位定
始予之以祿一人之身未入仕之前凡經四級已入

仕之後凡經三級然後始得祿其考之之詳如此

舉官計四條

武帝元封五年以名臣文武欲尽詔曰盖有非常之功必待非常之人故馬或奔蹏而致千里士或有負俗之累而立功名夫泛駕之馬踟蹰之士亦在御之而已其令列縣察吏民有茂材異等可為將相及使絕國者

北魏時崔亮為吏部侍郎以官額少應調者多乃奏為格制官不問賢愚以俾解日月為斷及幸雒為吏部郎中上疏曰自神龜以來專以停年為選士每善

惡歲久先叙職每劇易名到授官執察之吏以差次日月為功能銓衡之人以簡得老舊為平直且庸劣之人莫不貧鄙委斗筲以其理之重託碩鼠以百里之命皆貨賄是求肆心縱意致令徭役不均免調違謬宜改其弊以定官方請郡縣選補妙尽才具不得拘以停年三載黜陟有稱者補在京名官如前代故事不歷郡縣不得為內職則人思自勉上下同心德宗時試大常寺叶律郎沈既濟曰近世爵失之者久其失非它四太而已人仕之門太多世胄之家太優祿利之資太厚督責之令太薄臣以為當輕其祿

利重其督責夫古今選用之法九流常叙有三科而已曰德也才也方也而今選嘗皆不及也且吏部甲令雖曰度德居任量才授職計勞升叙然考校之法皆在書判簿曆言辭俯仰之間侍郎非通神不可得而知則安行徐言非德也空文善書非才也累資積考非勞也苟執不失猶乖得人况衆流並二耳目有不足者乎蓋非鑿之不明非扞之不精法使然也王者觀變以制法察時而立政按前代選用皆列府察舉至于有隋署置多由請託故當時議者以為予其卒私不若自舉與其外濫不若內收是以罷列府之

權而歸于吏部此矯時懲弊之推法非經國不刊之常典今吏部之法蹙矣不可以坐守元弊臣請五品以上及群司長官宰臣進叙吏部兵部得參議為六品以下或僚佐之屬聽列府辟用則銓扞之任委于四方結奏之成歸于二部必先扞牧守然後授其權高者先署而後聞卑者聽版而不命其牧守將師或選用非吏部兵部而舉之聖主明目達聰得察也聽聽罪其私冒不慎舉者小加譴存大正刑典責成授任誰敢不勉夫如是則竊名偽命之徒非才薄行之人貪叨貨賄懦弱姦宄下詔之日隨聲而禿通大數日去八九矣如是人少而員寬事寡而官審

賢者不獎而自進不肖者不抑而自退

左僕射司馬光奏乞朝廷設十科取士一日行誼純固可為師表科二日節操方正可備獻納科三日智勇過人可備將帥科四日公正聰明可備監司科五日經術精通可備講讀科六日學問該博可備顧問科七日文章典麗可備著述科八日善聽獄訟盡公得實科九日善治財賦公私俱便科十日練習法令能斷請讞科

考課部三條

馬氏曰虞春言三載考績三考黜陟由明此古帝王考課之法董仲舒言古之所謂功者以任官稱職為差非謂積日累久也故小才雖累日以不離于取貴小官賢才雖未久不害為補佐今則不然累日以取貴積久以致官是以廉耻實亂賢不肖混淆未得其真此後世年勞之法二法雖相似而其意實相反考課是以日月驗其職業之修廢年勞是以日月計其資格之淺深後世之所謂考課者皆年勞之法耳故賢者當陟或反以資淺而抑之不肖者當黜或反以年深而升之故考課之法行則庸愚畏之年勞之法行則庸

愚便之

唐考功之法凡百司之長歲較其屬功過差以九等
大合衆而讀之流內之官叙以四善一曰德茂有聞
二曰清慎明著三曰公平可稱四曰恪勤匪懈善狀
之外又有二十七最^{一最}四善為上上一最三善為
上中一最二善為上下每最而有二善為中上每最
而有一善為中中職事粗理善最不同為中下愛憎
任情處斷垂理為下上背公向私職務廢闕力下中
居官誦詐貪濁有狀為下下
盧懷慎疏請中宗久任曰人知吏之不久則不從其

吏吏知遷也不遷又不尽其能偷安苟且脂韋而已

學校計五條

古之教者家有塾黨有庠術有序國有學所謂學校
至不一也然惟國學有司樂司成專主教事而別國
鄉黨之學則未聞有司職教之任者及考周禮地官
黨正各掌其黨之政令教治孟月屬民而讀法祭祀
則以禮屬民別長掌其別之教治教令考其德行道
藝糾其過惡而勸戒之然後知黨正即一黨之師也
州長即一州之師也以至下之為比長閭眉上之為
鄉遂大夫莫不皆然蓋古之為吏者其德行道藝俱

足以爲人之師表故堯政施令無非教也以至使民
興賢出使長之使民興能入使治之蓋役之則爲民
教之則爲士官之則爲吏均此人也秦漢以來儒與
吏始異趣政子教始殊途于是曰郡守曰縣令則吏
所以治其民曰博士官曰文學掾則師所以教其弟子
二者有漠然不相爲謀所用非所教所教非所用民
何由而見先王之至治哉

禮書曰四代之學虞則上庠下庠夏則東序西序商
則右學左學周則東膠虞庠而周則又有辟雍成均
瞽宗之名則上庠東序右學東膠大學也故國老子

之養焉下庠西序左學虞庠小學也故庶老子之養
焉記曰天子設四學蓋周之制也周之辟雍則成均
也東膠即東序也周之大學成均居中頌學政其左
東序養老更其右瞽宗祀學祖並建于一丘之上也
虞庠在國之西郊則小學也諸侯之學小學在內大
學在外故王制言小學則公官南之左大學在郊以
其遜士由內以升于外然後達于京故也天子之學
小學居外大學居內故文王世子言凡詔于郊然後
于成均取爵于上尊以其遜士由外以升于內然後
達于朝故也

又曰鄉簡不率教者至于四不變然後屏之小樂正
簡國子之不率教止于二不變則屏之者先王以匹
庶之家為治易膏粱之性為難化以其易治故鄉遂。
之所考常在三年大比之時以其難化故國子之出
學常在九年大成之後三年而考故必在于四不變
然後屏之九年而簡則雖二不變屏之可也古之學
政其輕者有鞭撻其重者不過屏斥而已若夫萬民
之不服教其于刑者歸于士禮記樂書曰王制之教造士春秋以禮樂冬復以詩書文
王世子之教春復以干戈秋冬以羽籥者升于學者
之造士則其才向于有成其教之世也易故先其難者
而以詩書後于禮樂貴驕之世子則其性誘于外物
其教之也難故先其易者而以干戈羽籥先于禮樂
詩書

江陵項氏枝江縣學記曰天子之學謂之辟廱班朝
布令享帝右祖則以為明堂同律候氣治曆考祥則
以為靈臺諸侯之學謂之泮宮大師旅則將士會焉
大猷訟則吏民期焉大祭祀則始祖享焉蓋其制皆
于國之勝地披水築宮為一大有司國有大事則以
禮屬百官群吏下民而講行之每事則國之耆老于

弟游焉以論鼓鐘而修孝弟其地尊其禮大三百六十官皆不得治其事意者三公之老而致仕者學之謂之老^之不^二卿公一人則六卿蓋三公矣故曰三公在朝則三老在學公子老皆無職于六官學序庠塾皆無制于六典古之誦言道者固如是也嗚呼此意深矣

幸學養老一條

禮書曰天子之子禮也其所養也三國老也庶老也死政者之老也歲養之也三仲春也季春也仲秋也若夫簡不率放出^征受成以訊馘告凡天子入學莫

不養老此又不在歲養之數也夫貴冑謂之國子則貴而老者謂之國老賤者謂之庶人則賤而老者謂之庶老國子子庶人之後者同其學所以一道德國老子庶老異其學所以別分義

陳大史經制考略卷之六

官制計六條

賈誼曰天子不喻^諳前聖之德不知君民之道不見禮義之正詩書无宗學業不法太師之責也古者齊

太公職之、天子不惠于庶民、不礼于大臣、不中于折
獄、无經于百官、不衰于喪、不敬于祭、不誠不信、太傅
之責也。古者周公職之、天子亂位、不端受業、不敬言
語、不叙音聲、不中進退、升降不以礼、俯仰周旋不以
節、此太保之責也。古者燕召公職之、天子燕業、及其
学、左右之習、說其師、蓋諸侯過、大臣不知文雅之辭、
此少師之責也。天子居外、出入不以礼、衣服冠帶不
以制、御器倒側不以度、米服從好不以章、恣悅不以
義、與奪不以節、此少傅之責也。天子居燕、私安而易
樂、而耽飲食、不時醉飽、死節寢起、早晏无常、翫好器

弄、每制此少保之責也。

李燾歷代宰相年表序畧曰：古之所謂相者一而已。
初未嘗使他人參貳乎其間。堯相舜舜相禹禹相皋
陶皋陶既沒乃相益湯相伊尹周家並建三公而一
公實兼冢宰故旦奭夾輔成王而誕保文武受命者
專屬之且且歸于豐奭乃專政蓋其名三公其實一
相耳自秦以降實浸以兩失間有瓌瑋絕特負負。
相之稱功烈赫然者見于一時者亦必得君之專歷
年之久而莫或參貳之故也。權出于一雖折推或得
以肆惡捲竊天下然而一相之任終不可分者唐虞

復商周之成法也彼徒見趙高王莽曹操司馬懿其禍如此之酷也而不察天帝王之所以隆盛其利益亦博哉不能還治其本而反疑其末並列兼制使相牽引而相遂失其職矣夫任相不獲其利而蒙其禍是君之不明非相之推果不可使出于一也既奪其職分其權則所謂相者特一大有司耳其何以總有官治万事而亮天工耶凡相取其德耳故曰惟尹躬暨湯咸有一德而舜禹皋陶之胥命必孜孜以德為言彼誠知所本者與本之不知則其選用益雜而多端矣選用雜而多端故其稱號亦顛倒錯亂无有定制或居其位而不得用其政或當輔秉鈞而身乃為他官名實糾紛賢不肖溷淆其或多至于三四人而其少猶不下四五輩古所謂相寧如此乎

李燾天禧以來諫官年表序略曰古者自公卿大夫士至于工商莫不皆有言責輻輳並進而天子斟酌焉未嘗以言責專付一官以言責專付一官則由漢武帝失之武帝誠不喜諫者初置諫大夫猶未限員延至高帝始有七人之限夫以天下之衆而敢言者七人尚足謂若耶恭惟祖宗明目達聰協于虞舜任言責者不一天禧別置諫院禮秩優異它官莫擬崇

廣言路諫官御史推勢氣力乃于宰相等蓋當時所
用諫官御史必取天下第一流非學術才行俱備為
一世所高者勿在此位或誤選試旋加汰存言而當
者曾不十年徑登台輔其名迹皆可表見嗚呼盛哉
今斷自天禧置院以來作諫官年表並列古今之變
為二說以附著之其一曰諫官必天子自批而宰相
勿與其二曰宰相雖不得于批諫官必優容之乃克
有濟

歐陽修論史館目歷奏臣伏以史者國家之典法也
自君臣善惡功過于其百事之廢置可以垂勸戒示
後世者皆得直書而不隱故自前世有國者莫不以
史職為重伏見國朝之史以宰相監修學士修撰文
有兩府之臣撰時政選三館之士當升擢者乃命修
起居注如此不為不重矣然近年以來員具而職廢
其所撰述簡略遺漏百不存一至于事關大體者皆
沒而不書此實史官之罪而臣之責也然其弊在于
修撰之官惟據諸司供報而不敢書所見聞故也今
時政記雖是兩府臣僚修纂然聖君言動有所宜論
臣下奏議事關得失者皆不記錄雜目叙目詳見之
類至于起居注亦然于諸司供報文字死異修撰官

只據此銓次係以日月謂之日歷而已是以朝廷之
事史官雖欲書而不得書也自古人君皆不自撰史
今撰述既成必錄本進呈則事有詳略史官雖欲書
而不敢書也若不革其弊則前後相因史官永无奉
職之日使聖人典法遂成廢墜

官人之在王朝者其來舊矣將以其件非全氣情志
專良通淵中人易以役養乎然而後世因之寄之國
命手握王爵口含天憲非復振旅承老之職固庸房
闡之任也迹因公正恩固主心必故中外服從上下屏
氣或稱伊霍之勲无謝于往載或謂良平之畫復興

于當今雖時有忠賢竟見排有拳勳回山海呼吸變
霜露阿旨曲求則光寵三族直情忤意則慘夷五宗
府署第館棊列于都鄙子弟支附過半于別國南金
和寶冰紈霧縠之積盈牝珍藏嬙媛侍兒歌童舞女
之滛充備綺室狗馬飾雕文土木被緹繡皆剝削崩
黎兢恣奢慾構害明賢專樹黨類敗口靈政之幸不
可殫書所以海內嗟毒忠良懷憤因復大考鈎黨邦
國殄瘁至于敗亡斯亦運之極乎
凡三王教世子必以礼乐樂所以修内礼所以修外
礼乐交錯于中矣形于外是故其成也悻恭敬而温

文立太傅少傅以養之欲其知父子君臣之道也太
傅審父子君臣之道以示之少傅奉世子以觀太傅
之德行而審論之太傅在前少傅在後入則有傳出
則有師是以教諭而德成也師也者教之以事而諭
諸德者也保也者慎其身以輔翼之而歸諸道者也
宣帝以為太子史氏之本教變易則下不安民知其
將久不可欺罔乃服從其教化又曰子我共治者唯
良二千石子

郊祀 詩二條

陳氏禮書 祀天于南郊而地上之園丘者南郊之

丘也丘園而高所以象天祭地于北郊而沃中之方
丘者北郊之丘也丘方而下所以象地泰壇南郊之
壇也以之燔柴泰折北方之坎也以之蓋埋言壇折
則人為之也祭祀必于自然之丘所以致敬燔瘞必
于人為之壇折所以盡文先王燔瘞于郊丘其牲角
滿栗其牲体全齊其羹其器犧罇疏布罍棹杓豆登
鼎俎簠簋匏爵之類其藉蒲越稿秸其樂歌黃鐘太
簇奏太呂應鍾其舞雲門咸池其鼓雷鼓靈鼓其車
玉路素車其旂大常其服大裘充冕其措執則大圭
鎮圭其位則南面王北面祇北面王南面而日月從

祀則日居東月居西古者郊祀大略如此而已
朱子曰古者祭天子_于圜丘掃地而行事器用陶匏牲
用犢其禮極簡聖人之意以為未足以尽其意之委
曲故于春秋之月有大享之禮焉天即帝也郊而曰
天所以尊之也故以后稷配_焉后稷尊也祀后稷于郊
亦所以尊稷也明堂而曰帝所以親之也以文王配
焉文王親也祀文王于明堂亦以親文王也尊之而
親之周道備矣然則郊者古礼而明堂者周制也周
公以義起之也又曰為壇而祭故謂之天祭于屋下
而以神祇祭之故謂之帝

社稷

二條

王為群姓立社曰太社王自為立社曰王社諸侯為
百姓立社曰國社自為立社曰族社大夫以下成群
立社曰置社

陳氏礼書曰社所以祭五土之神稷所以祭五穀之
神五穀之神而命之稷以其首種先后土而長百穀
故也稷非土每以生土非稷无以見生生之效故祭
社必及稷以其同功均利而養人故也

封禪

一條

袁宏曰夫揖讓受終必有至德于天下征伐革命則

有大功于万物是故王者初基則有封禪之章蓋以其成功告于神明者也夫東方者万物之所始山岳者靈氣之所宅故求之物未必于其始取其所通必于所宅崇其壇塲則謂之封明其代興則謂之禪然則封禪者王者用務之大禮也德不周洽不得輒議斯事功不弘濟不得彷彿斯禮曠代一有其道至高自黃帝堯舜至^子禪代各得封禪^未有中修其禮者也雖繼體之君時有功德此蓋率復舊業增修其前政不得仰齊造國同符改物者也夫神道真一其用不煩^矣地易簡其禮尚^質故藉用白茅貴其誠

素器用陶甒取其易從然則封禪之禮簡易可也若夫石函玉牒非天地之性也

籍田 計一條

周制天子孟春月乃擇元辰載耒耜置之車右帥公卿諸侯大夫躬耕籍田千畝于南郊冕而朱紘躬秉耒天子三推反執爵于大寢三公九卿諸侯大夫皆御命曰勞酒內宰上春詔王后帥六宮之人而生種種之種而獻之于王甸師掌帥其屬而耕耨王籍以時入之

宗廟 計二條

陳氏禮書曰廟所以象生之有朝也寢所以象生之有寢也建之觀門之內不敢遠其親也位之觀門之左不忍死其寢也家語曰天子七廟諸侯五廟自虞至周之所不變也是故虞書禋于六宗以見太祖周官守祧八人以兼姜嫄之宮則虞固七廟可知矣伊尹言七世之廟商禮也禮記荀卿穀梁皆言天子七廟不恃周制也則自虞至周七廟又可知矣然存親立廟親之之至恩祖功宗德尊之之大義古之人思其人而愛其樹尊其人則敬其位况廟乎法施于民則祀之以勞定國則祀之况祖宗乎于是禮以義起而高之三宗周之文武漢之孝文孝武唐之神堯文皇其廟皆在三昭三穆之外歷世不毀此所謂不遷之廟非謂祧也

朱子曰凡廟主在本廟之室中皆東向及其祔于太廟之室中則唯太祖東向自如而為最尊之位群昭之入乎此者皆列于北牖下而南向群穆之入乎此者皆列于南牖下而北向南向者取其向明故謂之昭北向者取其祔遠故謂之穆蓋群廟之列則左為昭右為穆祫祭之位則北為昭而南為穆也又論古今廟制曰王制天子七廟三昭三穆于太祖之廟而

七諸侯大夫士階殺以兩而祭法又有適士塋二廟官。師一廟之文大抵士每太祖而皆及其祖考也其制皆在中門之左外為耶宮內各有寢廟別有門垣太祖在北左昭右穆以次而南天子太祖百世不遷一昭一穆為宗亦百世不遷二昭二穆為四親廟高祖以上親盡則毀而迺遷昭常為昭穆常為穆諸侯則无二宗大夫又无二廟其遷毀之次則子天子同儀礼所謂以其班祫檀弓所謂祫于祖文者也

時享禘祫 計三條

有虞氏四時之祭名春曰禘夏曰禘秋曰嘗冬曰烝

其祭尚氣郊特牲云血腥爛祭用氣也法先迎牲殺之取其血告于室以降其神然後用樂而行祭事其祭貴首夏氏時祭之名因有虞其祭貴心用昏殷禘禘嘗烝亦因虞夏之制春禘夏禘秋嘗冬烝其祭尚声郊特牲云殷人尚色臭味未成祫蕩其声樂三闋然後出迎牲声氣之號所以詔告于天地之間也其祭貴肝用日出商人夏日禘其五年之禘則稱大禘也周祭春曰祀夏曰禘秋曰嘗冬曰烝以禘為殷祭之名其祭尚臭郊特牲曰周人尚臭濯用鬯臭鬱合鬯臭陰達于鬯泉灌以圭璋用玉氣也既灌然後迎

牲致陰氣也蕭合黍稷臭陽達于墻屋故既奠然後
炳蕭合糴蒸其氣貴肺用朝及暗

陳氏禮書曰君子以義外禮則祭不至于數煩以仁
外禮則祭不至于疏怠悽愴矣于霜露之既降怵惕
生于雨露之既濡此所以有四時之享也禮記云嘗
禘之禮所以仁昭穆則會群神于烝嘗而其醉者裕
也合三廟于且日而薦于皇祖者亦裕也嘗禘所以
仁昭穆亦裕也裕有三年之裕有時祭之裕時祭小
裕也三年之裕大裕也時祭有小禮有大禮小禮春
也大禮夏秋冬也公羊傳曰大率者何大裕也則明

時祭之裕為小裕矣禮記曰大嘗周禮曰大烝則春
祀為小禮矣蓋小裕止于未毀之廟之主大裕已及于
毀廟之主禮記曰周旅剛六尸又曰裕于太廟祝迎
四廟之主夫天子旅剛止于六尸諸侯迎主止于四
廟非小裕而何

馬氏曰禘有二名有大禘之禘大傳所謂禮不王不
禘王者禘其祖之所自出而以祖配之禮運所謂魯
之郊禘非禮也是也有時禘之禘祭義所謂春禘秋
嘗王制所謂天子裕禘諸侯禘一牲一裕是也

周禮復官司勲王功曰勲國功曰勳切民功曰庸事功曰勞治功曰力戰功曰多凡有功者銘書于王之太常祭于大蒸司勲詔之

陳太史經制考略卷之七

四朝儀計二條

通典說曰天子路寢門有五焉其最外曰皋門二曰庫門三曰雉門四曰應門五曰路門路門之內則路寢也皋門之內曰外朝朝有三槐左右九棘近庫門

有三府九寺庫門之內有宗廟社稷雉門之外有兩觀連門觀外有詢事之朝在宗廟社稷之間雉門內有百官宿衛之解應門內曰中朝中朝東有九卿之室則凡卿理事之處朝則入而理事夕則歸于庫門外外朝之法朝有疑獄王集而聽之燕朝者路寢之朝群公以下常曰日以此見朝見君位陳氏禮書曰玉藻曰朝辨也始入君日出而視之退適路寢聽政使人視大夫大夫退然後適小寢親服則朝辨也始入所以防微日出而視之所以優尊詩曰夜嚮晨言觀其旂臣辨也始入之時也又曰東方

明矣朝既盛矣君日出而視之之時也然朝以先為
勤以後為逸退以先為逸以後為勤朝而臣先于君
所以明守分退而後君子臣所以防怠荒也

冠冕服章計二條

致堂胡氏曰君子大復古重變古非泥于古也以生
人之具皆古之聖人因時制宜各有法象意義不可
以私智更改之也用步卒而車戰法止開阡陌而井
地法止建郡縣而封建法止以日易月而通喪之禮
廢從車鞍馬而轡軾之儀絕參以胡服而冕黻不復
用尚以杯棬而簋席不復施大抵規利為安日趨于

苟簡而聖王天作法象意義不復可見矣以比周紗
幘一事論之此後世巾幘朝冠之所自始也古者賓
祭喪燕戎事冠各有宜紗幘既行諸冠由此漸廢至
于總而簪弁則屬之道家者流非道家之得也乃自
先莊而後為之徒者其服变革未盡猶有士服之餘
製為耳

漢文帝時賈誼上疏曰今民賣僮者為之繡衣絲履
備諸綾內之閑中是古天子后服所以廟而不宴者
也而庶人得以衣婢妾白紵之表薄紉之裏縫以備
諸美者黼黻是古天子之服今富人大賈嘉會召客

者以被牆古者以奉一帝一后而節適今庶人屋壁得而為帝服倡優下賤得為后飾然而天下不屈者殆未有也且帝之身自衣皂絰而富民墻屋被文繡天子之后以緣其領庶人屨妾緣其履此臣所謂辨也

符節璽印計一條

馬氏曰按天子所佩曰璽臣下之所佩曰印无璽書則九重之號令不能之于四海无印章則有司之文移不能之于所屬此後世之事也三代以前則未聞上之所以示信于下者唯圭璧于符節而已封建則有圭璧諸侯朝于天子則執其所受之圭以合

焉所謂天子執宵曲寸以朝諸侯公執桓圭侯執信圭伯執躬圭子執穀圭男執蒲璧是也徵召則有符節掌節所謂掌守邦節而辨其用典瑞所謂珍圭以徵守以恤凶荒牙章以起軍旅以治兵守也是也二者皆重器故俱以玉為之古者人朴俗淳故雖有圭璧符節而其用甚簡必大朝會大徵祭則以之示信後世巧詐日滋而防制益密故璽書印章之用甚煩而猶懼其不足以防奸莊周所謂焚符破璽而民朴鄙蓋有激也

按周官小司徒五人為伍、五伍為兩、四兩為卒、五卒為旅、五旅為師、五師為軍。上地家七人可任也。者家三人中地家六人可任也。者二家五人下地家五人可任也。者家二人此教練之法也。司馬法地方一里為井、四井為邑、四邑為丘、四丘為甸、六十四井有戎馬四匹、真車一乘、牛十二頭、甲士三人、卒七十二人。此調發之教也。教練則不厭其多，故凡食土之毛者除先弱不任事之外，家之使之為兵，人人使之知兵。故雖至小之國，勝兵萬數，可指顧而集也。調發則不厭其簡，甸六十四井為五百一十二家，而所調者止

七十五人，是六家調發共出一人也。每甸姑通以中地二家，五人計之，五百一十二家可任者一千二百八十人，而所調者止七十五人，是十六次調發方及一人也。教練必多，則人皆習于兵革，調發必簡，則人不疲于征戰。此古者用兵制勝之道也。管仲之制兵也，三分其國以為三軍，五人為軌，軌有長十軌為里，里有司，四里為連，連有長十連為鄉，鄉有良人，五鄉一帥，萬人為一軍。公將其一，高子將其二三軍，三萬人如貫繩。如畫棋局，疎密洞達，雖有智者无所施其巧，故其法令簡一，而民有餘力，以致其

死

唐方鎮節度使之兵其原皆起于邊將之屯防者唐
初兵之戍邊者大曰軍小曰守曰城曰鎮而總之曰
道道有大將一人曰大總管已而更曰大都督自高
宗永徽後都督帶使持節者始謂之節度使及安祿
山反犯京師天子之兵弱不能抗遂陷兩京肅宗起
靈武而諸鎮之兵共起誅賊號九節度之師久之大
盜既滅而武夫戰卒以功起行陣列為侯王者皆除
節度使由是方鎮相望于內地大者連列十餘小猶
兼三四故兵強則逆帥帥強則叛上或父死子握其

兵而不肯代或取舍由于士卒往往自托將吏號為
留後以徵命于朝天子顧力不能制則忍耻含垢因
而撫之號為姑息之政蓋姑息起于兵驕二起于
方鎮姑息愈甚則兵將愈驕出是号令自出以相侵
奪虜其將帥并其土地天子熟視不知所為反為和
解之莫肯聽命始時為朝廷患者號河朔三鎮及其
末朱金忠以梁兵李克用以晉兵更犯京師而李茂
貞韓建迹據岐華安一喜怒兵已至國門天子為戮
大臣罪已悔過而後去自國門以外皆分裂于方鎮
矣

車戰計二條

六韜曰車者軍之羽翼也所以陷堅陣要強敵遮地走也凡車之死地有十其勝地有八往而無還者車之死地也越絕險阻來敵遠行者車之竭地也前易後險者車之困地也陷之險阻而難出者車之絕地也圯下漸沃黑土黏埴者車之勞地也左險右易上陵抑阪者車之逆地也殷草橫畝犯歷深沃者車之拂地也車少地易于步不敵者車之敗地也後有溝瀆左有新水右有險阪者車之壞地也日夜霖雨旬日不止道路潰陷前不能進後不能解者車之陷地也此十者車之死地也敵之前後行陣未定則陷之旌旗擾亂人馬教動即陷之士卒前後相顧前往而疑後顧而怯即陷之三軍卒驚皆薄而起即陷之戰于易地暮不能解即陷之遠行而暮舍三軍恐懼即陷之此八者車之勝地也

宋吳淑請復古車戰之法曰匈奴所長者騎兵也苟非連車以制之則何以禦其奔突哉其制取常用車接其衝扼駕以牛車上置鎗以刃外向列士卒于車外賊至射之乃出騎兵擊之此制虜要術也戰之用車一障之鎧甲也故可以行止為營陣賊至則劍兵

附車以拒之賊退則乘勝出兵以擊之出則藉此為
所居之地入則以此為所居之宅故人心有依不懼
胡騎陵突也

刑三條

叔向曰昔先王議事以制不為刑辟懼民之有爭心
也民之有辟則不忌于上並有爭心以懲于書而後
律以成之弗可成矣復有亂政而作禹刑商有亂政
而作湯刑周有亂政而作九刑三辟之興皆叔世也
晉明法掾張聚註律表上之曰夫刑者司理之官理
者束情之機情者心神之使心感則情動于中是故

姦人心愧而面赤內怖而色奪論罪者務本真心審
其情精其事近取諸身遠取諸物然後乃可以正刑
仰手似乞俯手似奪捧手似謝擬手似誦拱臂似自
首擗臂似格鬪矜莊似威怡悅似福喜怒憂懼貌在
色色姦貞強弱候在視息諸如此類自非至精不能
極其理也夫理者精玄之妙不可以一方行也律者
通理之奧不可以一體守也
王符述赦論曰今日賊良民之甚者莫大于赦赦贖
赦贖教則惡人昌而善人傷矣夫有為吏正直不避
強禦而姦滑之黨橫加誣言者皆知赦之不久故也

善人君子被侵怨而能至淵庭自明万无救人救人之中得省問者百不過一既對尚昏而空遣去者復十六七矣其輕薄奸究究既陷罪法怨毒之家異其事戮以解蓄忿而反一際恣蒙救叙令惡人高會而誇吃无盜服臧而過門孝子見讐而不得討遭盜者觀物而不可取痛莫甚焉夫養稂莠者傷禾稼惠奸宄者賊良民先王之制刑法也非好傷人肌膚斷人壽命也貴成教懲惡除人害也夫性惡之民民之豺狼雖得赦宥之沃然无改悔之心且脫重桎夕還囹圄嚴明令尹不能使其斷絕何也凡敢為大奸者才必有過于衆而能自媚于上者也論者曰人不救則姦宄熾而吏不制宜教肆菁以解散之此未昭亂之本源不察禍福之所生也

陳太史經制考略卷之八

樂計三條

伏羲樂名扶來亦曰立本神農樂名扶持亦曰下集黃帝作咸池少皞作大淵顓頊作六莖帝嚳作六英唐堯作大章虞舜作大韶夏禹作大夏商湯作大濩

周武王作大武成王時周公作勺又有房中之樂以歌后妃之德

大唐雅樂樂合四十八曲八十四調其著于禮者一曰豫和以降天神二曰和順以降地祇三曰永和以降人鬼四曰肅和登歌以奠玉帛五曰雍和凡季祀以入俎六曰壽和以酌獻飲福七曰太和以為行節八曰舒和以出入二舞及皇太子王后群后國老若皇后之妾御皇太子之宮臣出入門則奏之九曰昭和皇帝皇太子以奉酒十曰休和皇帝以飯以肅拜三充皇太子亦以飯十一曰正和皇后受冊以行十

二曰承和皇太子在其宮有會以行
交祭鄭氏曰古之達禮三一日燕二曰享三曰祀所謂吉凶軍賓嘉皆主此三者以成禮古之達樂三一日風二曰雅三曰頌所謂金石絲竹匏土革木皆主此三者以成樂禮樂相須以為用禮非樂不行樂非禮不舉自后夔以來不以詩為本詩以声為冊八音六律為之羽翼再仲尼編詩為燕享祀之時用以歌而非用以說其義也若不能歌之但能誦其文而說其義可乎

陳氏禮書曰夫列爵惟五所以稱其德分土為三所以等其功德異而功有所同故公侯之地同于百里子男之地同于五十里地同而附庸有所異故諸公之地方五百里諸侯之地方四百里諸伯之地方三百里諸子之地方二百里諸男之地方百里蓋三等之地正封也五等之附庸廣封也正封則尺地莫非其土一民莫非其臣尊者嫌于盛而各所屈卑者嫌于削而无所立故公之地必下而從侯男之地必上而從子至于廣封則欲上之政令有所統而不煩下之職貢有所附而不費又非諸侯得以擅之也而尊者

者不嫌于太多身者不嫌于太寡故公之地必五百里而異于侯男之地止百里而異于子也

永嘉徐氏曰先王量祿以介田視口以計食其品節差等上焉不至于過制下焉不至于不足諸侯自卿以下其祿各殺一則无多邑踰制之失諸侯介田雖多祿入自有定數亦无尾大不掉之患此先王制祿之美意也且先王分土以封諸侯固宜尽得其地以享侯國之富今乃山沃之所有則歸之公間田之所

有則歸之公侯國之祿餘又待用于天子而不敢私諸侯所得自十卿祿之外而各有覲心防閑若過嚴

矣。然君十卿祿，乃君之所自得者，再而侯國之公用，則取諸地入以給之。其山澤間田，雖歸之公，上領于王宮，而實藏富于天下，又封建之美意也。

象緯 第六條

晉天文志曰：張衡云，文曜麗乎天，其動者有七，日月五星是也。日者陽精之宗，月者陰精之宗，五星五行之精，眾星布列，体生于地，精成于天，列居錯峙，各有攸屬。在野象物，在朝象官，在人象神。其以神者有五，列焉是為三十五，一居中央，謂之北斗，四布于方，各七，為二十八舍。日月運行，歷示吉凶，五緯經次，用

告禍福。中外之官常明者百有二十四，可名者三百二十，為星二千五百。後星之數，蓋萬有一千五百二十。庶物蠢蠢，咸得係命，不然何得總而理者。

張衡靈憲曰：夫日譬猶火，月譬猶水。火則外光，水則含景。故月光生于日之所照，魄生于日之所蔽。當日則光盈，就日則光尽也。眾星被曜，因水轉光。當日之衝光常不合者，蔽于地也。是謂闇虛。在星，一歲月過則食日之薄地，其明也。絲暗視明，无所屈，是以望之若火。方于中天，天地同明，絲明瞻暗，還自奪，故望之若水。火當夜而揚光，在晝則不明也。月之于夜

午日同而差微星則不然強弱之差也
歲星曰東方春木于人五常仁也五事貌也仁虧貌
失逆春令傷木氣則罰見歲星十二歲而周天熒惑
曰南方夏火禮也視也禮虧視失逆夏令傷火氣罰
見熒惑二歲而周天填星曰中央季夏土信也思心
也仁義禮智以信為主貌言視聽以心為政故四星
皆失填星乃動二十八歲而周天太白曰西方秋金
義也言也義虧言失逆秋令傷金氣罰見太白一歲
而周天辰星曰北方冬水智也聽也智虧聽失逆冬
令傷水氣罰見辰星一歲而周天

漢成帝時李尋曰夫日者衆陽之長輝光所
燭万里同晷人君之表也故日將且清風發群陰伏
君以臨朝不彙于色日初出冷以陽君登朝佞不行
忠直進不蔽障日中輝光君德盛明大臣奉公日將
入專以一君就房布常節君不修道則日失其度暎
昧止光谷永云日初出時陰雲邪氣起者法為彗于
女謁有所畏難日出後為近臣亂政日中為大臣欺
誣日且入為妻妾役使所愛間者日尤不精光明侵
奪失色邪氣珥蜺教作本起于晨相連至昏其日出
後至日中間差翕小臣不知內事竊以日視陛下志

操衰于初始多矣其咎恐有以守正直言而得罪者
傷嗣害世不可不慎也

宋嘉祐六年六月壬子朔未初刻食日四分入雲不
見時茂稱賀司馬光上言臣愚以為日之所照周遍
華夷雲之所蔽至為迥狹今若太陽實虧而有浮雲
翳塞雖京師不見四方必有見者此乃天戒至深不
可不察也臣聞漢成帝永始元年九月日有食之四
方不見京師見谷永以為沈涵于酒禍在內也二年
二月日有食之京師不見四方見谷永以為百姓屈
竭禍在外也臣愚以為永之所言似未協天意夫四

方不見京師見者禍尚淺也四方見京師不見者禍
寢深也日者人君之象天意若曰人君為陰邪所蔽
灾隱明著天下皆知其憂危而朝廷獨不知也由是
言之人主尤宜側身戒懼憂念社稷而群臣乃始相
率稱賀豈得不謂之上下相蒙誣罔天譴哉又所食
不滿分數者曆官術教之不精當治其罪亦非所以
為贖也

夫所謂灾者被于物而可知者也水旱蝗蝗之類是
已異者不可知其所以然者也日食星變五石六鶴
之類是已孔子于春秋記灾異異而不著其事應蓋

慎之也。以為天道遠，非諄二以諭人，而君子見其變，則知天之所以譴告，恐懼修省而已。若推其事，應則有合有不合，有同有不同。至于不合不同，則將使君子急焉，以為偶然而不懼，此其深意也。蓋聖人慎而不言如此。

匈奴計四條

夫持盈固難，知足非易。唯漢光武深達理源，藏宮馬武請殄匈奴，帝報曰：捨近而圖遠，勞而无功。捨遠而謀近，逸而有終。務廣地者荒，務廣德者強。有其者安，貪人有者殘。

東夷之性薄，禮少義，悍急能鬪，依山墜海，憑險自固。上下和睦，百姓安樂，未可圖也。若上亂下離，則可以行間之。起則隙生，二則修文教以來之，固甲兵以擊之，其勢必尅也。

南蠻多種，性不能教，連合朋黨，失意則相攻，居洞依山，或聚或散。西至崑崙，東至洋海，產出奇貨，故人貪而勇戰。春夏多疾疫，利在疾戰，不可久師也。西戎之性勇悍好利，或城居或野居，米糧少，金貝多。故人勇戰鬪，難敗，自磧石以西，諸戎種繁，地廣形險，俗負強狠，故人多不臣。常候之，以外鬬之，以內亂。

則可破矣。北狄居上城郭，隨逐水草，勢利則南侵，勢失則北遁。長山廣積，足以自衛。飢則捕獸飲乳，寒則寢皮服裘。奔走射獵，以殺為務，未可以道惑懷之，未可以兵戎服之。漢不于戰，其略有三：漢卒且耕且戰，故疲而怯；虜但牧獵，故逸而勇，以疲敵逸，以怯敵勇，不相當也。此不可戰一也。漢長于步，日馳百里，虜長于騎，日乃倍之。漢逐虜，則齎糧負甲而隨之；虜逐漢，則驅疾騎而運之。運負之勢已殊，走逐之形不等，此不可戰二也。漢戰多步，虜戰多騎，爭地形之勢，則騎疾于步，逐疾勢懸，此不可戰三也。不得已，則莫若守邊，守邊之道，棟良將而任之，訓銳士以禦之，廣營田而實之，設烽堠以待之，候其虛而乘之，因其衰而取之，則所謂資不費而寇自除，人不疲而虜日克矣。

則可破矣
北狄居止城郭隨逐水草勢利則南侵勢失則北遁
長山廣積足以自衛飢則捕獸飲乳寒則覆皮服裘
奔走射獵以殺為務未可以道恣懷之未可以兵戎
服之漢不于戰其略有三漢卒且耕且戰故疲而怯
虜但牧獵故逸而勇以疲敵逸以怯敵勇不相當也
此不可戰一也漢長于步日馳百里虜長于騎日乃
倍之漢逐虜則賫糧負甲而隨之虜逐漢則驅疾騎

天保辛丑後正月既望卒業于淺草：堂

拜經藏書

Handwritten notes in vertical columns, likely bleed-through from the reverse side of the page.

